



A **Guarda Civil** informa dun método detectado para tratar de estafar a persoas interesadas en obter ingresos de forma aparentemente sinxela.

Os datos proporcionados proceden dunha **estafa real**, pero en cada caso pódense experimentar variacións. Por iso é fundamental entender o proceso, máis que atender aos detalles.

- Método de contacto:

Os estafadores engaden a varias vítimas a un **grupo de Whatsapp**, que utiliza o nome dunha empresa de traballo temporal, Adecco neste caso.

Ao analizar o grupo, compróbase que é antigo; os ciberdelincuentes engaden contactos e elimínanos, de tal forma que se dá verosimilitud á orixe na suposta Empresa de Traballo Temporal.



Soy Charles de la empresa de personal Adecco. Buscamos jóvenes mayores de 20 años en España para ayudar a los operadores de videos cortos a optimizar los servicios de tráfico, proporcionar cargas de datos de dispositivos e IP reales y aumentar la exposición y el ranking correspondiente de los videos. Excelente sistema. Trabaje de 60 a 90 minutos por día, con horarios y ubicación de trabajo flexibles (puede organizarlo usted mismo) y gane entre 100 y 300 euros por día al finalizar. El salario básico es de 1.000 € por semana; comuníquese con el gerente de contratación interesado (empleador) para obtener más detalles.

Se creó el 17/10/20

O número de teléfono que creou o grupo ten o prefixo +967, este prefixo pertence ao Iemen, pero pode levar a confusión pola súa similitude co prefixo da Comunidade Autónoma de Valencia (96)

- A oferta:

Unha vez integrado no grupo, recíbese unha oferta de traballo flexible que proporcionaría ganancias semanais de polo menos 1000 euros. Se se acepta o posto de traballo, débense proporcionar os datos da conta bancaria para recibir e enviar diñeiro supostamente xerado polos **likes** dados ás ligazóns que se van indicando.

É importante saber que, para inspirar confianza, adóitase propoñer unha tarefa de proba que **vai ser remunerada**, é dicir, a vítima recibirá un pequeno pago na súa conta. Pronto se lle propón outro tipo de tarefas que lle permitirían gañar máis diñeiro, pero para acceder a elas é necesario efectuar un pago, dun importe moito maior que a cantidade recibida.

Se a vítima paga, é posible que os estafadores desaparezan, ou que queden á espera para ver se en contactos posteriores conseguen obter máis diñeiro con escusas e novas promesas.

- RECOMENDACIÓNS:

Ademais das [recomendacións xerais](https://ciberseguridadgalicia.gal) para previr este tipo de estafas que podes consultar no portal ciberseguridadgalicia.gal, vale a pena indicar que, aínda que non se chegue a enviar ningún diñeiro aos estafadores, o mero feito de **proporcionar** os **datos** bancarios, unidos ao número de teléfono e posiblemente outros datos de identidade, pode propiciar **ser vítima** no futuro de ataques máis elaborados e, por tanto, difíciles de detectar e evitar.